

tichten vns teglich new wortter, claves excellentie, claves
aucthoritatis, claves ministrabiles, als lang das sie
vns alle beutel, vnd kisten lere machen, vnd darnach
die hell auff schliffen, vnd den hymell czu schliffen.

3 **¶** Der dritte grundt, das er spricht die gewonheyt vnd
vbunge der kirchen sollen vor eyn gesecz gehalten wer-
den, die weyl dā die Christēheit das ablas also braucht.

*Gewonheit und vbunge
vor em geist gultet*

Sag ich, das war sey, was vbung vnd gewonheyt
sey, yn der Christenheit, gelten der kirchē gepot gleych,
es wirt aber vorstanden von den guten, vnd nit vō den
posen.

Zum andern hatt die Romische kirche nach nie yn
vbunge gehabt, das der ablas seelen erlosze, vñ den sun-
der losze von peyn adder gnugthuung vonn got aufges-
legt, sunder wie die frechen Questores wollen die leudt
gleych wie die iungen kinder erschrecken, strebē sie dar-
nach, das yhrie worte, seyen gottes wort, vnd yhrier misz-
prauch, seyen der Christliche kirchen prauch, Auch laus-
tet das geystlich recht, das sulche prediget erlogē sein. c.
abusionibus & mendaciter. Glo 7c.

ablas lost nicht seelen

¶ Der Vierde grundt. Wer ablas lost pesser thut dann
wer almussen gibt eynē armē der nit in der lezte not ist.

Hie sich czu, vnd las dichs got erbarmen, das heyszen
lerer des Christēfolcks. Na hynfuder ist nit schrecklich
czu horen, wie Turcken vnser kirchen vnd creucze vor-
vneren, Wir habenn bei vns hundertmall ergere Tur-
cken, die vns das einige heiligthum, das wort gottes,
das alle dingk heyliget so gar lesterlich machen. Joā-
nes der heylig Apostell sagt, so einer sieht seinen bruder
darben ader not leidenn, vnd schleust seine mildikeit
vor yhm czu, wie mag die liebe gottis yn yhm bleibenn.

*ablas pesser
dan almussen*

Über diszen text küpt diszer vorlesterer, vnd vorlegt,
sa vorlezte vnd vber tausent meyl weg leget, mit einer,
sulchen gloße.

Das darben adder notleydenn fall vorstanden wer-
den, von der lezte not. Ich mus hie mit vnwillē vnges-
dultig sein, dann kein gut geist die gloße hatt ber gefürt

7